

nec des alicui substantiam causa mercandi, nec perficiendo aliquam rem, nec incipias aliqua ædificia, nec emas bestias, tamen petas in ea sapientias, dominium & documentum, & non iaceas cum muliere, tamen emas arma, equita equum, & exeas de terra tua pro uenando, sed si extra fueris non intres domum tuam. Et hæc hora bona est pro recipiendo dignitatem, & pro habendo negotio cum rege uel cum domino.

Veneris hora bona & fortunata, in ea equita equum, non intres nauem aliquam, Inquire in ea dominium. Intromittas te de ioculationibus & solacijs, in ea lude ad Schachos, cum mulieribus uade ad solacia, exeas de terra tua, si tamen extra fueris, no intres domum tuam, fac cum muliere coniugium; bibe medicinas & species, non minuas de uena, neq; cum uentosis, neq; plantes arbores, nec semines aliquod semen, inscides uestimenta. Qui incipiet iter, ipsa hora bonum & utilitatem ex parte mulierum habebit uel simile, bonum est in ea facere quicquid ad mulieres pertinet, & omnes pannos depictos & uarijs coloribus coloratos.

Mercurij hora indifferens siue mediocris est. In ea omnem bestiam equita, mulam & asinam. Scribe in ea chartam, mitte nuncios, da substantiam tuam pro mercatura, mutues quicquid uolueris, recipias quod tibi debet, & bibas medicinas, plantabisq; arbores. Intres ad regem, cum muliere non facies coniugium, hæreditates non eme, nec terram. Ne intres domum tuam quando extra fueris, ne emas seruos, nec te permutes de una domo in aliam, nec extra hes de carceribus aliquem. Sed incipies omne ædificium, fodias puteos & fossata. Iter incipe, quia inde bonum & utilitatem habebis. Dones puerum ad omnem disciplinam, ut ad literas scribendum & similia, mercantias facere, nuntios mittere, causari, dare & recipere bonum erit.

Lunæ Hora bona erit pro ædificio inchoando. Non emas in ea medicinam pro medicando. Non inscidas pannos nec emas pecudes, nec his similia, inscidas arbores, eme fructus, fode fossata & puteos, equita equos, honora mulieres, da filium tuum ad discendas literas & scribere, persequaris in ea tuum inimicum, exeas de terra tua, sed non intres in eam. Et dicitur, qui facit iter in ea, habebit bonum in illa, occasione mortis alicuius hominis siue societatis, tamen si  
Luna fuerit in signo terreo damna,  
tur hoc iudicium.

F I N I S.